

**DE INEFFABILI
TRINITATIS
MYSTERIO ORATIO
HABITA IN SACELLO
PONTIFICIO ... A...**

Galeazzo Marescotti, Valenti
Gonzaga



(III)

Sanctissimo Domino Nostro

BENEDICTO XIV.

PONTIFICI MAXIMO

GALEATIUS MARISCOTTI

FELICITATEM.



*QUAE mihi causæ esse
poterant, BEATISSIME
PATER, in inscriben-
do Tibi perbreuem Orationem, quam
inter solemnia SANCTISSIMÆ TRINI-
TATIS in Pontificio Tuo Sacello ha-
bui,*


bui, ut justo timore ob exiguitatem
 mei ingenii afficerer, & ob majesta-
 tem Tui nominis nimiae audaciae reus
 agerer, illæ eædem & me a metu li-
 berant, & ab nota temeritatis absol-
 vunt. Es enim iis moribus quum a
 natura, tum a virtute institutus, ut
 quemadmodum magna ingenia æsti-
 mas, & laudas, ita exigua non despi-
 cias, & damnes, eamque præstes in
 summa potestate moderationem, atque
 humanitatem, ut neminem a præsen-
 tia Tua submoveri sinas, omnibus
 aditum ad Te facilem præbeas, comi-
 ter alloquaris, & benignissime auscul-
 tes. Accedit ad erigendum mihi ani-
 mum dignitas argumenti, quo nihil
 augustius, nihil præstantius, ineffabile
 SANCTISSIMÆ TRINITATIS my-
 sterium. Divinarum Personarum sin-
 gula-

gularis Character mihi visus est in Ecclesia Christi Catholica, ceu in imagine exhiberi. Hujus Tibi Ecclesiæ, cui ut caput visibile præes, cura maxima incumbit, hanc incredibili amore complecteris, sanctissimis moribus ornas, egregiis, doctissimisque sanctionibus illustras, & munis, & ad ejusdem prosecutionem, & qui in ea continentur, & qui foris sunt, verbis, & exemplis allicis, & confirmas. Ea de causa quæ Tibi vigilantia, quæ in omnes casus provida sollicitudo, qui literarum cultus, quæ studia, qui obdurator labor! sed quid ego quæ omnibus nota, ignota uni Tibi, celebros, & prædico? Magnum interim meorum studiorum fructum relaturum arbitrabor, si Oratiunculam hanc meam haud dedigneris sereno vultu adspicere,

(VI)

*mibique in utrumque genu provolu-
to Tuam pontificiam benedictionem
impertiri.*





ORATIO.



UUM mecum ipse perpen-
do, BEATISSIME PATER, de
sublimi TRINITATIS my-
sterio sermonem instituen-
dum mihi esse coram SANCTITATE TUA, in
amplissimo sapientissimorum Patrum cæ-
tu, inque honorificentissimo hoc loco, ita
animus perturbatur, ut quicquam non so-
lum de illo adposite loqui, sed ne vix qui-
dem audeat cogitare. Lux enim illa inac-
cessibilis, quam unus, & trinus Deus inha-
bitat, mentis aciem obruit, & obtundit,
omnem-

omnemque intelligendi facultatem extinguit . Quale ergo mihi in re præfenti **con-**
silium ? Qui solem intueri volunt solertes
 astrorum speculatores, vitrum atro colore
 oblinunt, & infuscant, quo paucissimi ra-
 dii, iique fracti, & debilitati ad fundum
 oculi perveniant, quibus non ipse sol, sed
 solis spectrum repræsentatur . Splendidum
 quoddam spectrum, & imago **TRINITATIS**
 Augustissimæ est Ecclesia Christi Catholi-
 ca, cui characteres quosdam illius summæ
 divinitatis impressit Deus Optimus, per
 quos aliqua cum illa similitudo consurge-
 ret, & inexplicabilium perfectionum im-
 perfecta quædam species exprimeretur .
 His apte uti si per exiguitatem ingenii li-
 ceat, de ineffabili mysterio posse me ali-
 quid fari haud diffidam .

In **TRINITATE** Sanctissima adoramus
 Patrem, ejusque nullis limitibus conclusam
 potentiam suspicimus; adoramus Filium,
 in quo Pater thesauros posuit sapientiæ suæ;
 adoramus Spiritum Sanctum, quo Pater,
 & Filius se mutuo diligunt, & a quo cha-
 ritas illa proficiscitur, quæ in cordibus no-

stris diffunditur. Quamvis enim divina illa attributa omnibus divinis Personis communia sint, inquit Bernardo, Beata illa, & sempiterna TRINITAS Pater, & Filius, & Spiritus Sanctus unus Deus scilicet summa potentia, summa sapientia, summa benignitas, ita tamen singula singulis a nobis tribuantur per quamdam, ut Theologi nuncupant, adpropriationem, ut Patri Potentia, Sapientia Filio, & Charitas Spiritui Sancto speciali quadam ratione convenire videatur.

Horum porro attributorum simulacrum, & quidem illustre in Ecclesia Catholica conspiciendum nobis exhibetur. Et quidem Potestas illa effulget, cui fasces ultro submittunt quicumque honorum gradibus inter homines excellere, & opibus, & auctoritate præstare ceteris intelliguntur. Hæc in sui obsequium non armorum strepitu, & virtute militum, sed religione, & veritate universum orbem a solis ortu usque ad occasum adduxit. Hæc renascentium hæresum multiplicia capita non ferro, & igne contudit, & absumpsit, sed uni-

unius verbi scripti , & traditi invictissimo robore protrivit , & profligavit .

Quid de sapientia dicam , qua Ecclesia Christi tantum Ethnicorum sapientiam supergressa est , quantum illa ceterarum gentium barbariem , atque ignorantiam . Quot ad recte , & præclare de Deo sentiendum , & ad religiosum ejus cultum firmandum , & constabiliendum canones constituti ! Quot non fluxæ , & incertæ sed tutæ , & constantes regulæ ad mores sancte instituendos præscriptæ ! Qua doctrina & Græci , & Latini Patres illam non illustrarunt , in quibus sive sermonis elegantiam spectes , & eloquentiam , sive rationum pondus , & argumentorum soliditatem , sive humanarum , & divinarum rerum scientiam nihil ultra erit tibi quærendum , nihilque usquam cum illis comparandum invenies .

Si demum ad charitatem oculos deflectamus , hæc Christi Ecclesiæ sic insita est , ut sine ipsa nequeat illa consistere . Hac spiritum trahit , hac vivit , hac extincta , & ipsam extinguere necesse esset . Nexus hic est indissolubilis , quo Caput cum mem-

bris , & membra cum capite vinciuntur .
 Charitate iusti efficimur , Deum diligimus ,
 fratres amamus , errantes in viam veritatis
 reducimus , inopibus opem ferimus , in-
 firmis sanitatem conciliamus . Non itaque
 in Ecclesia Catholica splendet imago augu-
 stissimæ TRINITATIS ? Hanc igitur ex in-
 timo cordis sensu amore , & cultu prose-
 quamur , huic arcte hæreamus , hanc in
 oculis , in manu , in sinu feramus , ut tan-
 dem si nunc per speculum , & in enigma-
 te , Deum ipsum Unum , & Trinum , cu-
 jus typus in terris Ecclesia est , revelata fa-
 cie in coelis , Christo auxiliante , conspi-
 ciamus .



F I N I S .



IMPRIMATUR,

**Si videbitur Reverendissimo P. Magistr. Sac. Palatii
Apostolici.**

*F. M. de Rubeis Patriarch. Constant.
Vicesgerens.*

IMPRIMATUR,

**Fr. Vincentius Elena Reverendissimi P. Magistr. Sac.
Palatii Apostolici Soc. Ord. Prædicar.**